

ملخص حقوق دعت إليها الفطرة وقررتها الشريعة لابن عثيمين

Ratiro mar dhano kuom lamo kendo bolruok kuom Ruoth Nyasaye eyoo machuok kaka chik mar Islam olere gi dholuo.

Jandiko en Ibn Uthaymeen
- mad Ruoth Nyasaye ketne ng'uono mogundho.

 Shaykh Dr. Haytham Sarhan

 Ratiro mar Ruoth Nyasaye:

En lamo Ruoth Nyasaye achiel kende maonge machielo, kendo ibolri enyime ka ilame en kende, ka iluwo chikene, kendo ka ibedo mabor gi gigo ma okwero, gi yie kuom gigo duto mane opuonjowa ma oleronwa maler. En chuny puonj mar din mar Islam; ma en yie kuom adiera mar Ruoth Nyasaye kendo luwo yieno gi timbe modimbore mabeyo. En yie moger gi siro mar hera, puoch gi pak ne Ruoth Nyasaye. Olemo mage gin chuny maler to gi deyo nyuok kuom mapek duto mantie.

 Ratiro mar Jaote Ruoth Nyasaye, Muhammad ﷺ:

Ratiro mar Jaote Muhammad nyaka ting' malo, mii luor kendo nyaka paki maonge rem kata kadho kiego moketi. Kendo yie kuome kaluwore gi puonj ma osepuonjowa kuom gigo mane osetimore chon to gi mago matimore sani to gi mago mabirotimore ekinde ma nyime, timo mago mosechikowa mondo watim, kwedruok gi mago mokwerowa kuomgi, yie ni warruok mokelo en e warruok moriere kendo kedo ne chike mane okelo matelonwa engimawa kaka Jo Islam.

 Ratiro mag Jonyuol

Timnegi ng'uono ka ilombogi gi weche mabeyo to gi timbe mabeyo bende, gi mwanduni to gi ringri iwuon, ka iluwo chikegi tek mana ni ok gichiki mondo ikwed Ruoth Nyasaye kendo chike maok inyi.

Ratiro mag nyithindo

- A. Puonjo nyithindo: ma kelo dongruok mar din mar Islam gi kido maber e ngimagi kaka chik dwari.
- B. Nyieonegi gigo duto ma owinjore giyudi engimagi maonge ketho mwandu kuomgi.
- C. Herogi maromre maonge yiero kata jwang'o moko ewi jowadgi.

Ratiro mag wede

Mondo warit wat gi ng'uono, kony kendo gi her aka wakonyo jogo mochando kendo modhier eigi,

Ratiro mar dhako gi dichuo ei kenya

Mondo gidag gi kwee kod hera ekindgi, kendo moro kamoro omi nyawadgi ratiro mare gi ng'uono maonge yidho ratirono ni mondo otime kiny kata orucha, maonge achuna moro kata kiawa.

Kuom ratiro mag dhako ewi chuore: nyaka omiye gik moko duto ma owinjore oyudi kuom dak kaka chiemo, math, lewni, kar dak, ratiro mar ng'ango to gi mamoko. To ka en gi mon mang'eny , nyaka ohergi maromre.

Kuom ratiro mag dichuo ewi chiege: ochunore mondo dhako oluor chuore kuom mago maak okadho kiek Ruoth Nyasaye, oritne maling'ling' mage to gi mwandune, kendo kik otim gimoro manyalo kethone moor mare.

Ratiro mag jotelo ewi Ogandagi

Ratiro mag oganda ewi jotendgi: Nyaka gitim mago ma Ruoth Nyasaye oseketi ewigi ni nyaka gisum jotendgi weche kendo siemonegi yoor weche mag dongruok margi mag piny ni to gi mag polo malo, to mano nyalore mana ka giluwo yoor jogo ma Ruoth Nyasaye morgan mane osetelo kuom jomoyie.

Ratiro mag jotelo ewi ogandagi: Leronegi weche ayanga kendo sumogi weche kuom gigo mochunore ng'ato ka ng'ato otim, paronegi ka po nono ni wigi owil, lemonegi ka po nono ni gibayo yoo moriere, mako chiegi ma gigolo kaka jotelo kuom mago maak kadh kiek Ruoth Nyasaye to gi konyogi kaka owinjore.

Ratiro mag Jobathwa

Jabathi en jal moro amora modak machiegni kodi. Onego idag kode maber, ka ikonye eyoo moro amora mowinjore kaka mwandu, paro kata omenda. Bende onego ikwedri mabor gi dhao kode kata hinye eyoo moro amora.

Ka en anyuola mari, to nyiso ni en gi ratiro adek: mar jabathi, mar anyuondi to gi mar Islam.

To ka en Ja Islam ma ok anyuola mari, to nyiso ni en gi ratiro ariyo: mar jabathi to gi mar Islam.

Kamano bende ka en anyuola mari, to ok en Ja Islam, nyiso ni en gi ratiro ariyo: mar jabathi, to gi mar anyuondi.

Ka ok en anyuola mari, to ok en ja Islam, nyiso ni en gi ratiro achiel kende: mar jabathi.

Ratiro mag Ja Islam duto:

Ratiro margi duto en: mosruok, ka ogweli to nyaka idhii, ka kwayi paro to nyaka imiye paro, ka ogir ma owacho ni ['Alhamdulillah'] to lemne ka iwacho ni ['Yarhamukallah'] to ka otuo, nyaka ilime, ka othoo to nyaka watere kar iko ka warite maber kik oyud hinyruok moro amora.

Ratiro mar Ja Islam kuom Ja Islam wadgi ng'eny, kendo wanyalo ketogi eyoo machuok kaka ne Jaote Muhammad owacho : “ Ja Islam en owadgi Ja Islam wadgi”
chopo chike mag ratiro mar wat mantie ekind Jo Islam giwegi biro miyo ng'ato kedo matek kuom timo ng'uono ne Ja Islam wadgi, ka obedo mabor gi gino manyalo hinye.

Ratiro mar Jal maok Ja Islam

Jatelo ma Ja Islam nyaka telne ogandane kotiyog gi chike mag Islam e ngimagi, mwandugi, tijegi, luor margi, nyaka oket kiego kuom gigo ma kwero kendo nyaka oumgi gi buombe ka okedone ogandane.

Ogandane maok Jo Islam nyaka yangre kuom rwakruok margi. Kendo ok oyienegi yango elela gigo makwero ei Islam kaka rwako gik machieko kuom mon, mer, chode, ohala ma kwero. Yango kitgi gi timbegi ma chik Islam odagi bende kik giyangi elela kaka olang' mag kanisa, msalaba to gi machalo kamago.